

Sar Erschrockliche
 Neue Zeitung von dem Koschcowitter
 welcher vor wenig tagen / in der Kron
 zu Polen / Polotzko ein fürnieme Stat,
 vnd Festung des Littawer Landes,
 mit grausamer Tyrannie erobert
 vnd überwältiget hat / In
 Klagreyme gefasset
 Durch

Johannem Reinhardum
Gravellingium

Anno 1563.

4.

Dem Erbarn / vnd wolgelercten Dani-
di Reinhardo / In dem Augustinianer Col-
legio zu Erfurdt / Meinem freundlichen
lieben Bruder.

GOETHE S Gnad durch Chri-
stum zuvor. freundlicher lieber Bruder/
Ich kan dir auf Brüderlicher liebe nicht verhalten / Das
gar erschrockliche Newe zeytung / Auf Littarwen anher in
Preussen / vor wenig tagen kommen sindt / Vemlich wie
der Moschowitter Warhaftiglichen / Mit grosser Hee-
res krafft / in das gemelte Landt ein gefallen sey / Vnnd vor
Kurtz zeit Polotko / Welches eine fürneme Rauff-
stat/vnd Festung sein sol / Robert vnd überweltiget habe/
Auch grausamen Mordt vnd Tyranny daselbst geübet /
vnd getrieben. Desgleichen Jammers / So es Gott nicht
gnediglich abwendet / wir vns alhier in Preussen Kurtz auch
zuermutten / vnd zugewarten. Solchen der eroberten
Stadt Polotko jammer / habe ich in einfeltige Blagreym
versasset / Vnnd oversende dir dieselbigen / Darneben bitten-
de / du wollest sampt andern frommen Christen / Gott den
treuen Helfer / hertlich anruffen / Das er vns genedig sey /
Vnnd die woluerdiente straff von vns Armen Sündern auf
Vetterlicher Gute vnd Barmherzigkeit abwenden wolle /
Amen. Damit gehab dich wol / Vnnd tröste vnsren Alten
betagten Vater. Datum Königspurg in Preussen auff Ma-
rie Verkündigung Anno 1563.

D. L. B.

Johannes Reinhardus
G.

Erbermliche klag der Stat Wolotzko.

GOTT hat sein Hertz zu mir geneygt/

Vnnd hatt mir grosse Gnad erzeigt.

In dem das er mir Leib vnd Lebn/

Vnnd Herrlichen Fried hatte gebn.

Daraus man het kôndt sehen wol/

Dasein yederman fromm sein sol.

Aber ich hab solches veracht/

Vnnd meine Tag vbel zu bracht.

Inn Fressen / Saussen / Hurerey /

Inn Hoffardt / vnd viel Wuberey.

Inn Wucher / Geyz vnd auch Betrug /

Nur das ich het für mich genug.

Thet nicht nach meinem Negsten fragen /

Sorgt nicht was Gott darzu würd sagen.

Summ / Ich hab gethan wenig Buß /

Drumb ich mich jzundt leyden muß.

Vnnd sehen solchen jammer an /

Welchen kein Mensch aufreden kan.

Da ist mir durch des Feindes Handt /

Alles was mein war / abgewandt.

Da leydet sich mein Weib vnd Kindt /

Vnnd alles was man bey mir findet.

Es fehret gar gross herzeleydt /

Betrübtinus viel vnd Trawrigkyst.

Ein teyl hat gelassen sein Blut /

Das ander hat es sonst nicht gut.

An Ketten sindt iher viel geschmidt,
Vnnd sindt weit weg geführet mit.
Unter die Moschcowitter nein/
Da sie müssen gesangen sein.
Da sie müssen jammer vnd not/
Leyden / vnd endlisch auch den Todt.
O Du zart Juncfrewliche art/
Wie ist dein Ehr so gar verkart.
Denn dir ist solcher Schatz genomn/
Den du nicht wider kanst bekomin.
Ach wenn mich der Herr het gestrasst/
Mit Pestilenz / vnd Fried verschafft.
So wer ich nicht wie ich nun bin/
So gar betrübt in meinem sin.
Denn viel jammers het nun ein endt/
Welchen mein trawrigs Hertz erkende.
Ich lieg verwundt für aller weldt.
Mit mir hat ein endt Goldt vnd Geldt.
Ich hette nicht gedacht fürwar/
Das auff mich Gott so ganz vnd gar.
Solt seinen Zorn han aufgegossn.
Der heussig ist auff mich geflossen.
Het ich für langest Buß gethan/
So würdt mirs nicht so vbel gahn.
Het ich einen Sack angezogn/
Vnnd wer zur Aschen zugeslogen.
Vnnd hette meine Sündt beweindt/
So würget mich nicht so der Feindt.

So stündt ohn zweiffelbaß mein sach/
O Jamer/ jamer ach vnd ach.
Wenn reden kündten alle Stern/
Vnd Wasser tropßen Zungen wern.
So kündten sie nicht gnug mein Leydt/
Außreden nun zu dieser zeit.
Da wenn gleich der Sandt all am Meer/
Ganz vnd gar voller Zungen wer.
Vnd reden kündten Laub vnd Gras/
Was Gott erschuss vnd alles das.
So kündten sie nicht sprechen auß/
Das Unglück somir kompt zu Haß.
Es wer nicht wunder das ich weint/
Vnd mir eytel Blutstropßen greint.
Über das Elendt drinn ich steh/
Vnd jetzt für meinen Augen seh.
Der Feindt hat meine Teutsche Knecht/
Vernimmen den Handel wol vnd recht.
Ein yeder spiegles sich an mir/
Auff das er nicht erfahre schier.
Das Unglück drinn ich stündt bin/
Ach wo sol ich doch fliehen hin.
Mich dünkt Gott hab sein Angesicht/
Von mir gewandt vnd höe mich nicht.
Richt ich mich auff/ neig ich mich niedr/
Kehe ich mich hin/ wendt ich mich widr.
So findet ich weder hülff noch Rath/
Das macht alles mein Missethat.

Die ich nicht hab bey mir erkandt/
Vnnd mich baldt daron abgewandt.
Drumb hütte sich ein yeder ebn/
Wil er solch Unglück nicht erlebn.
Welch ich erlebet hab izundt
Solchs thuich allen Menschen kundt.
Vnnd sönderlich diß Preußner Landt/
Mag sein mein Trawrigkett bekandt.
Der Feindt hat Triumphiret sehr/
Deutschlandt habs auch für Newe mehr.
Vnnd hab derhalben ohne schew/
Ober dein Sündt Herzliche rew.
Man höre fleissig Gottes Wort/
Vnnd wenn man dasselb hat gehort
So schleiß man es gar ernstlich ein/
Vnnd trewlich in seins Herzen Schreit.
Vnnd lebe auch auss Erdt darnach/
So werden wol gut alle sach.
Denn wenn man sich zu Gott bekert/
Fürwar man grosse Gnad erfert.
Wenn man aber solches nicht thut.
So kost es entlich Menschen Blut.
Die Oberkett Regiere wol/
Vnnd schütze was sie schützen sol.
Vnnd straff mit ernst die Buberey/
Vnnd halte ihe Gewissen frey.
Darmit der Fromm mög haben ruh/
Auss Erden / vnd auch Fried darzu.

Die

Die Unterthanen wollen sein/
Der Oberkeyt gehorsam sein.
Denn der H E R R sie geordnet hat/
Durch seiner Gnaden Weysen Rath.
Die Kinder wollen auch mit fleiß/
Thun nach ihrer Eltern geheyß.
Drumb das es hat der liebe Gott/
Beuolhen im vierdten Gebot.
Vnnd was der Eltern Standt betriesst/
Welchen der H E R R auch hat gestisst.
So seh Vatter vnd Mutter drauß/
Das sie ziehen ihr Kinder anss.
In rechter Unthertenigkeyt/
Zu Gottes Furcht vnd Erbarkeyt.
Bistu ein Knecht / bistu ein Magt/
Hastu zu dienen zugesagt.
So sey trew deinem Herrn vnd Fraron/
Denck das solches dein Gott thut schawen.
Der dir kan geben alzeit schon/
Für trewen dienst ein reichen Lohn.
Summa mach du es vberal/
Was du für hast das Gott gefal.
So wirdt der H E R R die Rute sein/
Weg werßen inn das Fewer nein.
Vnnd wirdt abwenden Straff vnd Pein/
Welche du sonst wirst ernstlich sehn.
Wo du dich nicht zu G O T T bekerft/
Vnnd nicht der grossen Sünde werft.

Worlich

Warlich ich Arim betrübte Stadt/
Meyns gut mit meinem trewen Rath.
Wolt geren das man sich an mir/
Spiegelet jimmer für vnnid für.
Vnnd besserte mit fleiß vnnid ebn/
Sein Höses vnnid Sündtliches lebn.
Drumb leget ab ihr lieben leuth/
Die Werck der Finsternissen heut
Vnnd leget des Lichts Waffen an/
Besser man euch nicht Rathen kan.
Ein yeder thu besleissen sich/
Zu leben sein vnnid Erbarlich.
Nicht in fressen vnd Sauffen viel/
Nicht wie sein Alter Adam wil.
Sondern in seiner Messigkeyt/
Halt sich ein yeder allezeyt.
So wirdt sich des Weybes Samens/
Über euch erbarmen Amen.